

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第一八七冊

責任編輯：孫言誠

賀 偉

ISBN 7-5333-0615-5



9 787533 306151 >

EB32/12

四庫全書存目叢書·集部一八七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 46.25 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第一八七冊目次

集部·別集類

皆非集二卷附一枝軒吟草一卷

〔明〕萬達甫撰 附 〔明〕萬邦孚撰
浙江圖書館藏清初萬世標刻本

..... 一

瞿同卿集十四卷附錄一卷

〔明〕瞿汝稷撰
上海圖書館藏明萬曆三十九年張養正刻本

..... 六二

梅顥稿選二十卷

〔明〕周履靖撰 陳繼儒選
北京大學圖書館藏明刻本

..... 三三二

甬東山人稿七卷(存卷一至卷四)

〔明〕呂時撰
原北平圖書館藏明萬曆九年藩府勉學書院刻本

..... 五〇六

李山人詩二卷

〔明〕李生寅撰
原北平圖書館藏明萬曆刻本

..... 五二八

方鄧邨復初集三十六卷(存三十一卷)(一)

〔明〕方承訓撰
北京圖書館藏明萬曆刻本

..... 五六四

皆非集二卷附一枝軒吟草

一卷

〔明〕萬達甫撰 附 〔明〕萬邦孚撰

浙江圖書館藏清初萬世標刻本

附《四庫全書總目·皆非集二

卷附一枝軒吟草二卷》提要

皆非集敘

吾鄉萬氏自建侯樹勳

孟祖父子孫家系標其四忠

三節而督府系我士論優其

道德詞章一門鼎售宅氏罕

皆非集

敘

儼多詳大督府鹿園公與先

君司馬以同王自由系我純初

先生與予為提祖母兄弟下及

後我汝水又締姻盟所謂舊斯

繁其繫亦能夢以綿他

懿莫辨之。以予私西家世系
必氏云。生歲汝。所以皆非枝新
二草。委序於今。三年。每持二
字。於碧梧翠竹。幽壑深溪。之
間。跋石賦而長詩。短詠不覺洒
然。因序其槩曰。靜詩之道。言
志者也。體務清真。真韻惟溫雅
是。在錯玉。朱器。賢在無邪。撫
金石聲。自然入德也。且純初
為我情多雅正。故其詩不詭

不瀕汝。亦替有性。不忤人。故其
詩可吟。可詠。特歟。又子之詩
俱可比德於圭璋。掄材於松
柏。多詩。多惟其有之。是以如
之。此之謂也。嗚呼。予不慧。雖質
如愚。於世宜諧。來懿垂之。追
惟。昔者不慧居司隸幕府。
而純初先生過署中。生及夜
分詩。有門深署冷。多他事。
一榻。獨來月滿樓。所謂玉

成器而不邪 金石聲而
可聽者 子集名皆非予欲反
其名曰皆是以復於汝水背
府 必將大梁曰幽寧又作
慙語

皆非集

八

2

萬曆丁巳花朝日

表弟居本敬撰



皆非集卷上

行狀

賜進士出身中憲大夫巡撫鳳陽等處兼海防
提督軍務都察院右僉都御史前會試同考
官廣西督學使臣縉雲李誌撰

余少時讀萬鹿園所著灼艾諸集殆古稱說
詩書敦禮樂者與蓋嘗慕之恨不得一見而
幸遇其孫邦孚君於齊閭好武能文真伏波
之璘也與余相得甚一日語余曰公業知吾

皆非集

卷上行狀

一

王父亦知吾父乎為述其尊公生平甚悉通
拜祭戎之命鎮甌括迎養尊公告終于郎走
書屬余為之狀狀曰萬公諱達甫字仲章別
號純初其先本畢萬后譚系遠不具述至勝
國時有禮四六公居鳳陽之定遠再傳為國
珍公首率師歸義我

高皇帝喜曰此子有文武才其賜名曰斌累功
陞滁州守禦副千戶從征沙漠歿于戰贈指
揮僉事斌生鍾龍龍驤副千戶備倭于浙有

功授寧波衛世襲指揮僉事曰賜第寧波始
家焉鍾長子武以

建廟事謫成交趾陣已無嗣次子文龍禦倭有
奇捷夜次堯渚適龍起目炯炯有光誤以為
賊燈射中之因而颺作覆沒至學憲孔文谷
公天胤檄祀名宦有李廣射石為虎將軍射
龍義殆過之等語文生全念祖父累世死王
事為未已人者皆矢霜操迺繪四忠三節像
事具世譜中自全歷傳禧椿至表即鹿園公

皆非集

卷上行狀

二

以中府都督掛印總漕務鹿園公雖起家萬
戶侯乎瞻學鴻代彪炳人世即薦紳士且三
舍避之是為公父鹿園公娶于方為督學侍
御公誌之孫女有令姿淑德是為公母公生
而端粹不屑與凡兒競華長習舉子業勤敏
淵邃務以理勝時錢緒山公德洪王龍溪公
畿皆傳良知之學於陽明先生唐荊川公順
之魁天下於少年蔚為辭宗公並負笈從之
荊川公雅愛其從子止菴一麾博洽邵長又

愛公性情爾雅可語道遂授公于止菴使以
詩學相師友后止菴領南國解試而公深於
詩可想矣公為文典雋有精詣試有司輒奇
之補抗庠弟子員點額秋闈者二遭鹿園公
喪支骨備禮兼王和而有之終三季葦酒不
接於口服闋襲職督漕艘者知公性檢厲委
董于清江廠工獨堅緻而竹頭木屑皆得其
用又奉委築淮之連城身在畚插間皴皴忍
怒費廉而工蚤竣當事者亟露章薦之時迎

皆非集

卷上行狀

三

養母氏朝夕承顏視頻咲以為欣戚遇疾則
醫禱百出籲天請代配黃氏為少宗伯致齋
公宗明孫女式公刑于之化事姑甚謹母氏
居恒曰佳兒佳婦善事我我暮懷慝矣比卒
公正當窶身典衣婦脫簪珥務豐其殮具得
與鹿園公埒曰吾寧廢箸安忍以貧故令前
喪踰後喪也扶襯歸葬畢隨陞浙西運總是
時漕務艱甚官視赴運如赴市曹傾家不足
償責往往有捐世職而竄者公條議謂印運

互更便至今為永規而會旗船懲奸梗追逋
負等議一一見諸施行當路嘖嘖稱公才方
推轂山東戎闔而以註誤罷去有識者甚惜
之山居五年學窮道奧尤精于禪家玄旨或
冥坐斗室或遊咏山水間絕無世念開府郭
黃崖公朝賓庶得之曰之子有將才賢足安
貧而使之躡蹄與潔當事者過也羅致中軍
司東大營事首薦于

朝稱其素得士譽綽有父風得起臨觀倭倭把
皆非集 卷上行狀

總庀戰艦鼓健兒於軍興毫無濡染人人感
挾纊之溫而南海賴以息役顧家徒四壁無
為公抱緼請火者二任且四閱歲大司馬譚
二華公綸按甲乙籍憫公久滯晉之閩閩僉
書又四閱歲方伯沈梅岡公束憐其寒類教
職勸公假賁捧入都或有若翁故游者一引
手乎行間聞陞嶺東閩使遂之任時趙澱陽
公志臯以忤柄相自翰林出為憲副講道於
泮丘寺一時同官者多裹足不敢近公獨相

過從甚密譚玄賦詩兩稱莫逆久之陞察將
防廣海會蛋賊出沒海上剽商航當事者知
為鼠竊輩耳故張皇殷息請勦以誦功公毅
然曰縛此致麾下如振落何足勤兵大忤當
事者意比公去任遂大征之所殺酋多已辜
議者籍籍相詆挫始服公之先見矣公自廣
歸潛脩于抗之西溪別業汲谷棹湖貞風凌
俗家無擔石之儲晏如也后澱陽公起南大
司成遺書招赴禪會太史焦漪園公竝時尚

皆非集

卷上行狀

未第雅重公寓公園室中攢膝披心所共清
言者皆一世名士或比之芙蓉池云及歸益
閑戶讀書不涉人間事惟太史馮異區公夢
禎祠部屠赤水公隆從之遊於公皆推讓焉
公雖縱心物外而尤篤于倫理遇考妣忌奠
思其所嗜隨之以涕泣聞者為之心楚大孝
終身慕父母公寔有之鹿園公遺妾馬無所
出公待之曲至俾康通以卒餘季若忘其為
寡與獨也伯氏諱謙甫登鄉貢士就官雖與

皆非集

卷上行狀

六

公異母公事之如父執禮恭而警欬惟命甚得其懷心族弟廩甫幼失怙幾不能自存公為延名師資之館穀竟得廩抗庠而擅文稱與公友愛終其身待族戚鄉鄰多恩意遇有急即家無奇贏必傾篋倒庋以佐之性不忍刳牲祭祀賓客不待已則鬻市中熟者以充庖胞與之懷蓋油然而可掬者自黃夫人逝後不再娶或勸之則謝曰令吾兒異日無抱李之泣勝吾有室矣邦孚君蚤為寧庠諸生公皆非集

迷國其何能濟吾世受

國恩庶幾骨天報責在汝耳曰條議製火器練水戰鼓士氣選精勇數事令二之本兵並鑿鑿可行天津開府萬丘澤公世德請于

上曰將門習知海務者無踰臣邦孚因陞遊擊將軍統舟師赴朝鮮邦孚君始舉子未彌月鄉戚在都中者多為君難之公獨曰而不聞辛壬癸甲呬呬弗子者乎此正畢分豎功時也邦孚君奉命趣裝乘風破浪冒虎穴于異

皆非集

卷上行狀

七

域而不辭寔公一言壯之後東事寧歸補蘇松遊擊請公就養署中五閱月調浙西領叅將事公忻然歸西溪舊墅往還于考妣墓廬時時與禪僧者遊遂斷葷并一切世情飄飄為二乘禪矣居無何邦孚君陞溫處叅將公不欲與俱曰吾方卸塵緣期出世何樂睹爾虛華世界乎邦孚君念公老矣不忍曠定省而走千里外請之再三迺強如磐石公署即脩一靜室奉觀音大士像日焚香誦金剛經

夜則對大士坐蒲團靜悟本性間諷詠詩經
及讀四書蓋取有益於心身性情非徒枯索
於禪也者嘗揭一聯于柱曰身入兒童閭草
社心如上古結繩時座右箴銘纚纚皆見道
之言且戒其子勿以塵務經心忘顧諟於斯
昔聞得道須慧業文人於公允信然哉顧其
心未嘗一日忘

朝廷從邸報中聞一媿令喜形顏面不則悒悒
若芒刺在背臆問近中貴人叫譟四出公語
皆非集

卷上行狀

邦孚君曰天下從此多事矣民不堪魚肉變
且叵測如承平弛武備何職在衛國者盍蚤
為之計毋泄泄也迨疾且革奄然藥裹之秋
猶作詩寄所親篇篇有驚人語武林黃翼菴
公應奎故嚴重公近從憲副懸車卜築以書
請指授公荅之累牘視羅景綸所叙山靜日
長之景不啻過之其精神不亂如以東坡謂
淵明出妙語於繡息之時周益公語劉靜春
子澄澄其慮荅以無慮可證此皆胸中了以

生毫無芥蒂豈易及哉卒之前三日夢食松
葉松果殊香旨胃次爽然覺命取而嘗之曰
此仙家食也吾將褰裳三山去矣又命取詩
經及四書把玩三四曰此吾終身所受用今
得正而斃者恃此耳前一日招坐關禪僧誦
金剛經靜而聽之僧及暮辭歸公止之曰我
今宵尚欲聽經毋離左右僧即坐榻前誦不
輟至漏盡東方明而公逝矣是為萬曆癸卯
年九月二十二日卯時距生嘉靖辛卯年十

皆非集

卷上行狀

九

二月二十二日子時享年七十有三子男一
即邦孚娶張氏為少光祿石里公子璫姪女
繼娶陳氏侍御容峯公玘之姪孫女女二長
適庠生陸世龍次適庠生汪宏祚孫男一人
泰聘聞氏為冢宰石塘公淵玄孫女孫女五
長適庠生范同節子鴻餘幼未字嗚呼若公
可謂完人矣公為庶園公也子人謂難為子
而嗜學好脩象賢趾美哀哀劬勞白首永慕
真不愧其所以為子公為邦孚君也父人謂

難為父而勉之以學行激之以忠勤清白遺
後森森義方真不愧其所以為父當其綰漕
務肩海防也公不為徒進而條百年之利折
千里之衝颶颶砥職毫不屑為射利倖功計
真不愧其所以為進及其賣丘園赴社會也
公不為徒退而潛心理道寄跡湖山甘貧守
寂澹漠自終真不愧其所以為退豈不誠完
人哉而生平所得於禪者深矣今之學士大
夫什七以談禪為高而或為儒者持赤幟則

皆非集

卷上行狀

訟言攻之余謂禪患不真耳聖如夫子與伯
陽相交至以猶龍稱之真禪豈與吾儒相矛
盾哉有如鏡心灰慮澄然無物時肩鴻鉅則
任真擔當可與天壤俱敝此正禪家所謂定
生慧止生觀即吾儒所謂有不為而後可有
為者也今職分所關稍涉利害者巧閃無着
托之手禪而噉名如蔗嗜利若飴輒據臂而
不知耻然猶陽借老佛之吻陰歸驕蹇之私
此余之所痛恨於今之談禪者也若公以迹

皎然動靜光明曙於所不為而又曙於其所
當為上慈航於苦海秉巨燭於昏途乃知禪
自有真矣詎非今時之麟鳳龜龍也哉余不
佞為具狀如斯勒銘以垂不朽尚俟如椽之
筆或亦於斯有採焉公所著箴銘書札詩篇
錄之別冊

皆非集

卷上行狀

士

明鎮國將軍分守廣東廣州等處地方督理海防叅將純齋萬公暨黃夫人墓誌銘

余自丙子領鄉書會純齋萬公僉書吾閩來帶敦悅與余交獨善間從杯酒詢四忠三節事颯颯稱名家將矣子邦孚君篤世好於余尤諗公生平甚悉時厓斗山者幾三十年所邇邦孚君來總閩閫持李旭山翁狀公狀詣余曰邦孚不孝日月有時無能為先君子光寵憶昔先君子微惠於長者不孝孤又藉長者非集

皆非集

墓誌銘

一

者再世之驩儻得丐如椽以垂不朽先君子儼然以長者重矣余受愛邦孚君知其為父純齋公可生平狀於塚中之陳而益有感也敢辭不文按公諱達甫字仲章純齋其別號也先為定遠人祖國琬率師歸義

高皇帝賜名斌喜其有文武材耳戰死沙漠累封萬戶斌子鍾以世功賜第寧波因家焉鍾之長子武陣亡于戊次子文禦倭射龍義高射虎而不能自脫於颺作文生全歷傳禧椿

原缺第二葉

見公自此才名藉甚而一旦中中山之篋以註誤罷去與禪徒詩侶歌咏徜徉絕不問世間事髀肉復生者五載開府黃崖郭公廉得之曰將有如此才而使之躑躅與澤者乎羅致幕下首翬于

朝獲充戰艦備倭臨觀大司馬二華譚公憐公久滯復晉吾閩僉書閩承瘡痍之後士無全伍廩無全餼公至而訓練校閱先聲遠播倭夷率服薄海內外依依賡甘棠而思所慰者

皆非集

墓誌銘

二

由吾閩陞嶺東印閫轉叅戎偕潯陽趙公講道浮丘寺譚玄賦詩相視莫逆更不虞柄相挾怒而脩其郤也久之遷防廣海適蛋賊剽竊海上當事者張皇為糜費計公慨然曰此屬金魚籠鳥賊之不過一校任耳柰何費不貲以繁聞士為當事者訕其議竟大征之所殺傷過當微功之臣齟齬不下則相與避公之先見而公浩然退矣夫柄相炙手一時同官多裹足不敢近潯陽公公獨津津過從為

原缺第四葉

北之曰夫呱呱弗子者誰非履土而食君毛
顧深自割愛若是爾為丈夫子獨不能以此
時殉

君父之急而沾沾婦寺之愛胡異為邦乎君奉
父命衝風破浪直擣虎穴

宗祐賴以泰山雖

國家威靈師保明賢所自迺致亦惟是熊羆不

二心之士竭赤盡瘁迄今鯨波不興海天若

濯秋毫皆公賜哉蓋公性嗜毛詩其大者畏

皆非集

墓誌銘

五

簡書而駢駢於靡鹽之王事懷惋而蓼莪常
棣行葦伐木谷風諸什靡不有會其中鹿園
公遺妾事之如母其事鹿園公異母之伯兄
如父族弟廉甫零丁孤苦公延名師傾貲哺
俾克自立宗有義舉不憚其身率先鄉鄰有
急匍匐為救黃夫人逝后義不再娶曰無使
吾兒異時泣李也殆庶幾于古處者矣後邦
孚君補蘇松遊擊念公春秋高迎就養公至
置一室奉大士像日誦金剛經以蒲團觀靜

原缺第六葉

子姓繩繩昌熾未艾墓在杭州錢塘之安樂
山坐丁揖癸以丁未年十二月十五日奉公暨
黃夫人合窆焉嗚呼公可謂見其大者矣倭
狄為患所至猖獗公有一劍以撐柱之宛肖
于輕騎絕大漠者上條議製火器練水戰數
事最邦孚君用其旨以顯當與趙屯田李會
昌共勒不朽至於數逐虜數廢數起不得終
其身安於藩屏之上則飛將軍之快快數奇
者也迺若探玄於禪拙旨於經毋事妾母父

皆非集

墓誌銘

七

事庶兄弟視族弟兄顯文武寔無愧吉甫之
憲萬邦者即張仲而在顧得獨蒙美聲也哉
公為鹿園公子貽公以有餘之慶公之子為
邦孚君廓公所未竟之業親親賢賢世世萬
子孫無變也不佞鳴華筆非如椽誼寔世好
恨不能為名家將掄揚萬一耳是為銘
銘曰爰有名將好文右武負笈從師長而棄
繻克壯元老勲彌環區晚歸逃禪雅歌投壺
孝友張仲為偉丈夫濬發長祥礪帶如堵婦

順佐之厥德允俞崇哉斯丘千年樂土

賜進士出身大中大夫奉

勅整飭常鎮等處兵備湖廣布政使司左叅政
前奉

勅提督學校廣東按察使司副使禮部主客清
吏司郎中戶部督理邊餉山西司郎中通家
侍生陳鳴華頂首拜謨

皆非集

墓誌銘

八

萬純初傳

往余庵廬在委巷窮絕處丙戌歲純初來訪時
游從稀簡積雪在地擁被趺坐續葦以燎窓紙
忽白者不知其幾信宿也所詰難反覆往往窮
微極深世論所不到一二勝士倚聞之如鼎中
之臠足饜饕渴已而疑吝氷釋一趣澹漠微獨
能厭飽而已又當忘憂解慍神怡意舒而自以
為得也時余兩人樂甚未幾別去後三四晤余
於京師迨余歸以書相諮問不絕不謂君遽棄
皆非集 卷上 焦太史傳 一

余而歿也君萬姓諱達甫字仲章別號純初考
鹿園公員文武才標望絕人於釋部玄宗溪領
其趣與龍谿荆川念菴諸公為綰帶交諸公愛
君敏而篤親授道要而荆川令從孫一磨以經
義相谷藻其淵源深遠矣故君為子弟也父師
稱良焉及為父兄又能教其子弟其仕又能舉
其職業而世推之以為材少為諸生一再試不
售輒棄去嗣秩為指揮僉事治艘築城費省而
功倍晉浙西運總時轉漕艱一大已其粟率盡

償土者君建白簡旗卒懲奸梗追逋負及印運
互更數事著為令當事者交口才君俄以註誤
罷巖居五載起備倭把總又四載晉簽署閩閩
已長嶺東閩所至厚撫士無不人人樂為用而
不能厚黨援動問餽故三政皆積歲始遷而最
後遷廣州防海禦將會二三蛋賊剽海上撫臣
與張其勢博首功君曰若輩鼠竊一長纓可繫
奚煩大兵為意遂忤迨君解任去大發卒征之
多穢樵餉冒功級煩言嘖嘖始悔不用君策矣
皆非集 卷上 焦太史傳 二

君性孝友事鹿園公母方夫人極備色養其殁
也居寄廬不飲酒食肉者三季忌真則傍徨涕
泣抵始喪時無異也鹿園公遺妾無嗣君曲奉
之以康其老事庶兄謙肅禮恭而恩篤從弟廉
甫幼孤食貧君成就之者甚備卒以有立他所
知以急告雖無贏餘未嘗不傾橐以濟也教子
邦孚壹依忠孝大節其簽齊閩率踐更卒入衛
通島夷蹂朝鮮國無成謀所募多烏合不任戰
君條議制火器練水兵鼓士氣等事令邦孚上

之樞臣鑒中窾而開府萬公世德請于朝願
得以邦孚為樓船將軍援屬國是時邦孚舉子
未卅月也姻黨多難其行君毅然曰吾家世受
國恩當捐糜以報安顧呱呱泣乎語未竟邦孚
色動趣治裝行千里破浪橫戈虎穴則君一言
力也君雖閑居念念不忘國自礦稅議起市魁翼
中人摩牙吮血百姓愁怨君間語邦孚曰天下
自此多事矣願中外久弛兵汝曹詰戎待變乃
其職也每接邸報視令下便否為憂喜時時動
皆非集 卷上 焦太史傳 三

于顏面其忠愛如此年七十有三病間點筆為
詩文超超玄著非涉歿生之流也君得父師之
指受而旁証於古先生之書性現根熟機鏘洞
徹於諸行奚有夫千鈞重任也載以垂天之翼
直毫毛耳橫四海絕青雲上征帝庭而豈與尺
鷁較其尋丈哉然世所檢鏡余不得而略也鹿
園公諱表提督漕運鎮守淮安地方總兵官中
軍都督府都督僉事邦孚今任鎮守福建總兵
官左軍都督府都督僉事家世事行具余所為

鹿園公墓銘不復次

太史氏曰宋陳彭以將家子博學精練書無不通乃子瞻之梵學寔自彭發之抑何奇也彭推見至隱以自證使人不疑蓋吾純初絕似之世之游方以外者謂吐棄名檢為無礙至聞者以相詬病而道以不明觀行解兼備如純初父子亦可無置喙也夫

賜進士及第翰林院脩撰儒林郎直

起居注纂修

皆非集

卷上 焦太史傳

四

國史

東宮日講官焦竑撰

萬純初先生誄并序

純初先生鹿園先生仲子也鹿園性炳上靈德隣殆庶品高霞表名冠寰中豫章羅念菴勾吳唐荊川針芥相投情如同氣西蜀趙文肅雲間陸平泉樹蘭契合尊若嚴師寄跡韜鈴宋莫深山道士廬官節鎮清虛林壑幽人玄心瑩朗儼皎月之當空道韻澄鮮濯蓮花之出水純初卓然人望綽有父風家稱將種原是名儒官晉閭叅不殊寒峻金紫輝煌心

皆非集

卷上 居禮印錄

一

故蕭然布衲公衙喧宵閒來啜笑蒲團方當壯歲蚤返初衣逮及晚年益耽禪悅吳元卿智人悟空音于萬花深處龐居士達者領祖意于百草邊頭定水盈瓶洒盡楊枝一滴慈雲覆后明因貝葉千行霜寒卜脫骨中不呈絲毫情盡愛枯頭上猶留素髮入不二法門忽示維摩之疾契無生妙旨往遊清泰之邦夢餐松柏覺而口舌猶香魂傷梅檀坐聽比丘持誦久學忘言念念不離般若臨行留偈